

35

ta dies cum discipulis conversatum , *Act. i.* : illis quadra-
ginta diebus , omnia ad Ecclesiae sanctificationem necessaria
Apostolos docuisse , censet *S. Leo serm. i. de Ascens. Domi-
ni* „ Hi dies , inquit , qui inter Resurrectionem Domini ,
„ Ascensionemque fluxerunt , non otioso transiere decursu ,
„ sed magna in his confirmata Sacra menta , magna revelata
„ Mysteria .

S. V. Traditio ipsa nos cogit , ut omnia & singula Sa-
cramenta a Christo Domino instituta fuisse dicamus „ Quod
„ enim , ait *Augustinus lib. 4. de Bpt. c. 24.* universa te-
„ net Ecclesia , nec Conciliis institutum , sed semper reten-
„ tum est , nonnisi auctoritate Apostolica traditum rectissime
„ creditur „ ubi dicitur , non auctoritate Apostolica factum ,
sed auctoritate Apostolica traditum ; quod innuit , Apostolos
non fecisse , non instituisse , sed a Iesu Christo instituta Sa-
cramenta Ecclesiae tradidisse . Eandem doctrinam confirmat
S. Doctor l. 3 de doctrina Christiana c. 9. „ Quædam pauca
„ pro multis , eademque factu facillima , & intellectu augu-
„ stissima , & observatione castissima , ipse Dominus , & A-
„ postolica tradidit disciplina . Tandem *S. Ambrosius l. 4.
de Sacramentis c. 4.* hæc pæremptoria verba profert , quæ
novam hæresim directe jugulant „ Auctor Sacramentorum quis
„ est , nisi Dominus Iesus ? De Cœlo ista Sacra menta vene-
„ runt .

S. VI. Verum si silentio rem totam præterirent Scri-
pturæ & Patres , vel ipsa Theologica momenta evidentissi-
me probarent . Cum enim Sacramentorum institutio conjunc-
tionem supponat supernaturalis virtutis cum sensibilibus si-
gnis , quæ conjunctio opus est , suapte natura , supernatura-
lis ordinis : a nemine præterquam a Christo Sacramen-
tum institutio est repetenda . Deinde minus est creandi ex
nihilo virtute pollere , quam in supernaturali ordine entita-
tem aliquam supernaturalem , ut Theologi loquuntur , pro-
ducendi facultatem habere . Si quod minus est fieri non po-
test , qua ratione id , quod omnino majus est , fieri poterit ?
Præterea si Sacramentorum veteris legis solus Deus Auctor
fuit , Moyses vero promulgator : potiori jure Sacramentorum